

沐山下水精塔中自與相見真說本末道意  
降伏其瞋必息即使遣龍捧取阿育王宮殿  
阿育王卧寢不知是何處所見水精塔高八  
萬四千里喜怖交心難頭和龍自出謝言阿  
闍世王自與我佛雖我不奪也釋迦文佛在  
世與我要言般泥洹後劫盡時所有經戒及

袈裟應器我皆當取藏著是塔中弥勒來下  
當復出著阿育王聞此言大謝寶不知此難

頭和龍王便使諸龍還復阿育王宮殿置於  
本處祐以爲能供三寶本在天人故忉利闍  
浮塔廟森列至於難頭龍王乃大士應化所  
以法滅之時收藏尊經其能建刹不亦宜乎

釋迦譜卷第九

北四末仙二

憲正作愕然反上驚吾各殞絕上羽敏駛哉史二使  
容也音疾婉轉上順紓耽也反號咷上桃音哭也下縱廣足上  
橫也反也戰掉上正作顛音戰也下徒鳬鴈扶小音  
鬼魅二下眉簪婆上音白鶴下胡杻短甘餚  
也鴨也時扇矛稍正上莫浮鹽亦矛下雙角反胃索大俱反

阿育王造八万四千塔記第三十一出雜阿含經  
尔時世尊與諸比丘循邑而行時有二童子  
一名闍耶二名毗闍耶共在沙中嬉戲遙見  
世尊三十二相莊嚴其體時闍耶童子心念  
言我當以麥麪上佛仍手捧細沙著世尊鉢  
中時毗闍耶合掌隨喜時彼童子而發願言

阿育王造八万四千塔記第三十一  
釋迦獲八万四千塔宿緣記第三十二  
釋迦法滅盡緣記第三十三  
釋迦法滅盡相記第三十四

釋迦譜卷第十

蕭齊釋僧祐撰

仙三

以惠施善根功德令得一天下一繖蓋王即於此處生得供養諸佛爾時世尊發容微笑阿難合掌白言世尊何緣微笑爾時世尊告阿難當知我滅度百年之後此童子於巴連弗邑統領一天下轉輪王姓孔雀名阿育正法治化又復廣布我舍利當造八万四千塔阿難取此鉢中所施之沙捨著如來經行處當行彼處阿難受教即取鉢沙泥著經行處阿難當知於巴連弗邑有王名日月護彼王當生子名曰頻頭婆羅當治彼國彼復有子名曰修師摩時瞻婆國有二婆羅門女極爲端正令人樂見爲國所珍諸相師輩見彼女相即記彼女當爲王妃必生二子一當領天下一當出家學道得成聖跡時婆羅門聞相師所說歡喜無量即持其女詣巴連弗邑種莊嚴欲嫁與修師摩王子相師云應嫁與頻頭婆羅王王見此女端正有德即立爲第一夫人恒相娛樂仍便懷體月滿生子生時

安隱母無憂惱過七日後立字名無憂又復生子名曰離憂無憂者身體羸澀父不喜是王欲試諸子呼婆羅門言觀我諸子於我滅後誰當作王婆羅門言將此諸子出城金殿園館中當觀其相時阿育王母語阿育言今王出金殿園館中觀諸王子於我滅後誰當作王汝何不去阿育啓言既不蒙念亦復不樂見我母言但往即便往去願母賜送食母言如是王先勅大臣若阿育來者當使其乘老鈍象來又復老人以爲眷屬時阿育王即乘老象至園館中地坐時諸王子各下飲食阿育母以瓦器盛酪飯送與阿育王問師言仙三

此中誰有王相當紹我位時彼相師視諸王子見阿育具有王相當得紹位又作是念此阿育大王所不愛我若語言當作王者王必不樂即語言我今揔記此中若有好乘者是人當作王時諸王子聞彼所說各自念言我乘好乘時阿育言我乘老宿象我得作王時

王又復語師言願更爲觀之師復荅言此中有第一座者彼當作王諸王子等各相謂言我座第一阿育言我今坐地是堅勝座我當作王王復語師更爲重觀師又報言此中上器上食此當得王阿育念言我有勝食我必作王坐散還宮時阿育母問阿育婆羅門定

記誰耶阿育啓言兒當作王老象爲乘以地爲座素器盛食粳米雜酪是最勝也時婆羅門知阿育當王數修敬其母即便問言誰當作王師言汝生太子阿育是其人也時頻頭羅王邊國恒又尸羅反王即語阿育汝將四兵平伐彼國及至發引與少兵甲時從者白王子言今往伐彼國無有軍仗云何得平阿育言我若應王者兵甲自然來應發是語時尋聲地聞兵甲從地而出即將四兵往伐彼國時彼諸國民人聞阿育來即平治道路種種供養奉迎王子諸天宣令阿育王子當王此天下汝等勿興逆意彼國即便降伏如是

仙三

三

乃至平此天下至於海際時父王得重疾諸臣即便莊嚴阿育將至王所今且立此子爲王我等後徐徐當立修師摩爲王時王聞此語憂愁不樂默然不對即便命終時阿育心念口言我應正得王位者諸天自然來以水灌我頂素繒繫首尋聲諸天即以水灌阿育

頂素繒繫首受王極位人神欣慶又引傳云阿育拜王自鐵輪飛降王闔浮提虛空地下各四十里鬼神咸皆讚善

阿育王如禮法殯葬父王已即立阿菟樓陀爲大臣時修師摩王子聞父崩背立阿育爲王心生不忍即集諸兵來伐阿育時阿菟樓陀大臣機關木象又作阿育王像以像騎象安置東門外又作無烟火坑以物覆之阿菟樓陀大臣語修師摩王子言欲作王者阿育在東門可往伐之能得之者自然得作王子即趣東門墮火坑便即死云阿育王正法治化時諸臣輩云我等共立阿育爲王故輕慢

於王不行君臣之禮王亦自知諸臣輕慢時王語諸臣曰汝等可伐花果之樹植於刺棘諸臣答曰未曾見聞却除花果而植刺樹乃至王三勑令伐彼亦不從尔時王即持利効斬五百大臣王將采女出外園遊戲見一無憂樹花極敷盛王見已此花樹與我同名心懷歡喜王形體醜陋皮膚鹿澀諸采女皆憎惡王故以手毀折無憂花樹王從眠覺見無憂樹花狼藉在地心生忿怒繫諸采女以火燒煞王行暴惡故曰暴惡阿育王時阿鳩陀大臣白王言王云何以手自殺諸臣采女王今當立屠殺之人即宣敎立屠殺者彼有一山名曰耆黎中有一纖師子亦名耆黎兒惡撲打繫縛男女及捕水陸之生乃至拒逆父母是故世人傳云兇惡耆黎子時王使語之言汝能爲王斬諸兇人不彼答曰一切閻浮提有罪者我能淨除況此一方王即爲作屋舍極爲端嚴唯開一門於其中間作治罪

仙三

四

之法狀如地獄時彼兇人啓王言今從王乞願若人來入此中者不復得出答言如汝所願尔時商主之子厭世間苦出家學道遊行諸國次第乞食誤入屠殺舍中時彼比丘遙見舍裏有火車鍾炭等治諸衆生恐怖毛豎便欲出門兇惡即往執比丘言入此中者無有得出於此而死比丘心生悲悔泣淚滿目乞我少時生命可至一月彼兇不聽如是日數漸減止於七日彼即聽許時此比丘知將死不久勇猛精進坐禪息心不能得道至於七日時王宮內人有事送付兇主將是女人著臼中以杵擣之令成碎末時比丘見是事極厭惡此身嗚呼苦哉我身不久亦當如是斷一切結成阿羅漢時彼兇惡人語此比丘期限已盡比丘以偈答曰我心得解脫斷除諸有盡今此身骸無復憊惜爾時彼兇主執彼比丘著鐵鎧油中足與薪火火終不然或復不熱兇主見火不然打拍使者而自然火

火即猛盛久開鐵鎧蓋見彼比丘鐵鎧中蓮華上坐生希有心即以啓王王便嚴駕將無量衆來看比丘時彼比丘調伏時至即身昇虛空猶如鴈王示種種變化向王說偈我是佛弟子逮諸漏已盡生死大恐怖我今悉得脫時阿育王聞彼比丘所說於佛法所生

仙三

五

大敬信傳云王訪諸臣民叵有及見佛者不唯有波斯匿王妹作比丘尼年百三十餘見佛在世王即往問佛何功德耶尼答曰世尊威神備於經說我時年十歲佛來入宮殿內地皆作金色我即作禮金釵墮地面與光合去後光歇尋之方得又云佛有八種音聲今海邊有鳥名曰羯隨其音哀亮頗似万一千王有外道梵志門徒甚盛忌害沙門欲加凌毀求得此鳥旬日不鳴時青衣映鏡嚴莊鳥見其像驚翥欲鳴青衣轉鏡還便輟響王曰若能使我鳴者以爲夫人青衣即取諸鏡懸於四壁鳥見影顧盼迴惶悲鳴震迅清暢和雅王聞之乃悟起正真道即拜青衣爲第二夫

人采女七千人咸皆歡喜

又白比丘言佛未滅度時何所記說比丘答言佛記大王於我滅後過百歲時於巴連弗邑有三億家彼國有王名曰阿育當王此閻浮提爲轉輪王正法治化又復宣布我舍利於閻浮提立八万四千塔佛如是記然大王今造此大地獄殺害無量王今宜應慈念一切衆生佛之所記大王者王當如法修行阿育王於佛所極生敬信合掌向比丘作禮我得大罪今向比丘懺悔我之所作甚爲不善唯願佛子受我懺悔捨心勿復責我愚人譬喻經云時王宮內常以四事供養二万沙門

費耗滋甚幸可見付以充厨膳王大恐懼遣使報僧時有一沙弥名端正年十三白諸比丘尋次當來汝欲顯奇可待食竟時從鬼梵志二萬餘人王大設供沙弥餽肴吸饌挿牙而盡尚未充飽因取從鬼以次吞之並隨神

仙三六

足時在祇桓作幻梵志稽首謝過求欲出家悉成沙門後多得羅漢王因此倍加信伏時彼比丘度阿育王已乘空而化時王從彼地獄欲出毘主白王言王不復得去王曰汝今欲殺我耶彼曰如是王曰誰先入此中答曰我是王曰若然者汝先應取死王即勑人將此毘主著作膠舍裏以火燒之又勑壞此地獄施衆生無畏

時王欲建舍利塔將四兵衆至王舍城取阿闍世王佛塔中舍利還復修治此塔與本無異如是取七佛塔中舍利至羅摩村中時中諸龍王將王入龍宮中王從龍索舍利供養龍即分與之時王作八万四千金銀瑠璃頗梨篋盛佛舍利又作八万四千四寶瓶以盛此篋又作無量百千幡幢繖蓋使諸鬼神各持舍利供養之具勑諸鬼神言於閻浮提至於海際城邑聚落滿一億家者為世尊立塔時有國名著叉尸羅三十六億家彼國人語仙三七鬼神言三十六億家彼國人語鬼神言三十六億篋舍利與我等起立佛塔王作方便國中人少者令分與彼令滿家數而立為塔時邑連弗邑有上座名白耶舍王詣彼所白上座曰我欲一日之中立八万四千佛塔遍此閻浮提意願如是時彼上座白言善哉大王

勦後十五日月蝕時令此闍浮提起諸佛塔  
如是乃至一日之中立八万四千塔世間民  
人興慶無量共号曰法阿育王

大阿育王經云八國共分舍利阿闍世王分  
數得八万四千又別得佛口二髮還國道中  
逢難頭禾龍王從其求舍利分阿闍世王不

與便語言我是龍王力能壞汝國土阿闍世  
王怖畏即以佛髮與之龍王還於須弥山下  
起水高八万四千里於下起水精塔阿闍世  
還國以紫金函盛舍利作千歲燈火於王恒  
河沙水中塔葬埋之後阿育王得其國土王  
娶夫人身長八尺髮亦同等衆相具足王令

即遣消散比丘化王王發信悟問比丘言殺  
八万四千夫人罪可得贖不道人言各爲人  
造一塔塔下著一舍利當得脫罪耳王即尋  
覓阿闍世王舍利有國相父年百二十將五  
万人取本舍利王得大喜即分與鬼神各還  
所部令一日一時同戴八万四千刹諸鬼神  
仙三 八

言多隔山障不得相知王言汝曹但還治弊  
護利安鈴我當使阿修輪以手摸日月四天  
下亦同時震皷便舉戴之二經不同故復兩  
存及迦葉語阿難經云塔成造千二百織成  
幡及雜花未得懸幡王身有疾牀枕慷慨曰  
若威靈有感願察我至誠諸塔並列于坐隅

俯臨王前王手自繫幡以次而去各遠其所  
王體羸弊取幡不贍有諸比丘行助王取之  
故今上幡先令比丘將之也由是病愈增筭  
十二故因名爲續命幡

王已建八万四千塔歡喜踊躍將諸羣臣往  
諸鷄雀精舍白耶舍上座曰更有比丘佛所  
受記當作佛事不我當往詣彼所供養恭敬  
上座答曰佛般涅槃後百歲之後當有長者子名  
曰於我般涅槃後百歲之後當有長者子名  
優婆崛多當出家學道可無相佛王問生座  
曰優婆崛多今已出世不上座答曰已出世  
出家學道是阿羅漢住在優留蔓茶山中王  
聞已歡喜踊躍即勑羣臣速辦嚴駕將無量  
眷屬往詣彼所尊者思惟若王來者無量將  
從受諸大苦殺害微蟲答使者曰我當自往  
詣王所時王聞尊者自來歡喜踊躍從摩偷  
羅至巴連弗邑於其中間開安舟衍於衍懸  
諸幡蓋時尊者優波崛多將一万八千阿羅

漢衆逕至王國王大歡喜踊躍即脫瓔珞價  
直十萬而授與之王將諸大臣眷屬即出往  
尊者所即爲下食五體投地向彼作禮長跪  
合掌而作是言我今領此闇浮提受於王位  
不以爲喜今覩尊者踊躍無量如來弟子乃  
能如是如覩於佛時王請尊者優波崛多入  
城設種種座請尊者就坐衆僧令往鷄雀精  
舍白尊者曰尊者顏貌端正身體柔軟而我  
形體醜陋肌膚瘡澀尊者而說偈曰  
我行布施時淨心好財物不如王布施  
以沙施於佛

時阿育王告諸大臣我以沙布施於佛獲其  
果報如是云何而不修敬於世尊王復白優  
波崛多言尊者示我佛所說法遊行處所當  
往供養禮拜時王將四兵軍衆及持種種供  
養香華幡幢及諸妓樂便將尊者發去尊者  
至隆頻林此是如來生處時王五體投地供  
養禮拜即立佛塔此處菩薩六年苦行此處

二女奉菩薩乳糜時尊者將王至道場樹下語王曰此樹菩薩以慈悲三昧力破魔兵衆得阿耨多羅三藐三菩提處時王捨無量珍寶種種供養及起大塔廟尊者將王至鳩尸那竭國言此處如來具足作佛事畢於無餘般涅槃而般涅槃時王聞是語憂惱迷悶躰地啼泣涕零如是乃至興種種供養立大塔廟時王復白尊者曰我意願欲得見佛諸大弟子佛之所記者欲供養彼舍利願爲示之時尊者白王言善哉善哉大王能發如是妙心時尊者將王至舍衛國入祇桓精舍以手指塔此是尊者舍利弗塔王當供養王曰彼有何功德尊者答曰第一法王隨轉法輪時王生大歡喜捨十萬兩珍寶供養其塔次復示大目犍連塔王應供養此塔王復問曰彼有何功德尊者答曰是神足第一以足指踐地地即震動至於天宮降伏難陀跋難陀龍王時王捨十萬兩珍寶供養此塔次復示摩

仙三

十

訶迦葉塔語王言此是摩訶迦葉禪窟應當供養王問曰彼有何功德答曰彼少欲知足頭陀第一如來施以半座及僧伽梨衣愍念衆生興立正法時王捨十萬兩珍寶供養是塔次復示尊者薄拘羅塔應當供養王問曰彼有何功德尊者答曰彼無病第一乃至不爲人說一句法寂默無言王曰以一錢供養諸臣白王言功德既等何故於此供養一錢王告之曰聽吾所說

雖除無明癡 智慧能鑒察 雖有薄拘句於世何所益

時彼一錢還來至王所時大臣輩見是希有事異口同音讚彼嗚呼尊者少欲知足乃至不須一錢

復示阿難塔語王言此是阿難塔應當供養王曰彼有何功德答曰此人是佛侍者多聞第一撰集佛經王即捨百億兩珍寶而供養其塔時臣白王言何故於此布施供養皆悉

勝前王白諸臣聽吾所說  
如來之體身 法身性清淨 彼悉能奉持  
是故供養勝 法燈常存世 滅此愚癡冥  
皆由從彼來 是故供養勝

余時王供養上種種事恒徧至菩提道場樹  
此樹下如來得阿耨多羅三藐三菩提出間

仙三士

希有珍寶供養之事供養菩提樹時王夫人  
名曰低舍羅繩多夫人作是念王極愛念於  
我我亦念王王今捨我諸珍寶至菩提樹間  
我今當作方便殺菩提樹既枯死葉便彌  
落王當不復往彼可得與我常相娛樂夫人  
即遣人以熱乳澆之樹即枯燥時諸使人輩

曰王言菩提樹忽然枯死葉葉變落時王聞  
是語即迷悶躰地時彼夫人見王憂愁不樂  
而白王言王勿憂惱我當喜悅王心王曰若  
無彼樹我命亦無如來於彼樹得阿耨多羅  
三藐三菩提彼樹既無我何用活耶夫人聞  
王決定語還復令以冷乳灌之彼樹尋更生  
王聞歡喜詣菩提樹下觀於菩提樹目不暫  
捨時王各辦四寶冕金銀琉璃頗黎盛諸香  
乳及諸香湯持種種飲食幡幢寶蓋各有千  
種及種種華香妓樂受持八支齋布薩著白  
淨衣服執持香鑪在於殿上向四方作禮心  
念口言如來賢聖弟子在諸方者憐愍我故  
受我供養時王如是語時三十萬比丘叢來  
集彼大衆中十萬是阿羅漢二十萬是學人  
及凡天比丘上座之座無人坐時王問諸比  
丘上座云何而無人坐時彼大衆中有一比  
丘名曰耶舍是大阿羅漢具足六通白王言  
此座上座之座餘者豈敢於中而坐王復問  
曰於尊者所更有上座耶尊者答曰大王佛  
之所說名曰賓頭盧是上座應坐此處王大  
歡喜而作是言於中有比丘見佛者不尊者  
答曰有也大王賓頭盧者猶故存世王復白  
曰可得見彼比丘不尊者曰大王不久當見  
尋當來至王大歡喜時尊者賓頭盧將無量

阿羅漢次第相隨譬如鴈王乘虛而來在於上座諸比丘僧各修禮敬次第而坐

時王見尊者賓頭盧頭鬚皓白辟支佛體頭面禮足長跪合掌白尊者言見世尊耶時尊者賓頭盧以手舉眉毛視王而言昔如來將五百阿羅漢俱初在王舍城安居我余時亦

仙三

十三

復在中又復世尊住舍衛國時給孤獨長者女請佛及比丘僧時諸比丘各乘空而往彼我於余時以神力合大山往彼受請時世尊責我汝那得現神足如是我今罰汝常在於世不得取涅槃護持我正法勿令滅也又復如來將諸比丘僧入城乞食時王共二童子

千耄香湯灑灌菩提樹集諸兵衆時王子名曰拘那羅在王右邊舉二指而不言說意欲二倍供養大眾見之皆盡發笑王亦發笑而語言嗚呼王子乃有增益功德王復言我復以三十萬兩金供養衆僧復加千耄香湯洗浴菩提樹時王子復舉四指意在四倍時王

仙三

十三

嗔恚語臣曰誰教王子作是事與我興競臣世尊記彼童子於我滅度百歲之後此童子於巴連弗邑當受王位領閻浮提名曰阿育當廣布我舍利一日之中當造八万四千塔今王身是也我余時亦在於中時王白尊者曰尊者今住在何處尊者答王曰在於北山

千菴香湯洗浴菩提樹時菩提樹倍復嚴好  
增長茂盛時王及諸羣臣生大歡喜時王洗  
浴菩提樹已次復供養衆僧時彼上座耶舍  
語王言大王今大有比丘僧集當發淳信心  
供養時王從上至下自手供養彼有二沙彌  
得食已各以麩團麩歡喜丸更平相分王見  
即笑而言此沙彌作小兒戲供養訖已王還  
上座前立上座語王言王莫生不信敬心王  
答上座無有不信敬心王答上座見二沙彌  
作小兒戲如世間小兒戲如世間小兒以土  
圓更平相擲如是二沙彌以麩團以麩歡喜  
丸更平相擲上座白王言彼二沙彌是俱解

脫阿羅漢更相奉食王聞是已增其信心而  
作是念此二沙彌能展轉相施我今亦當於  
一切僧人施絹劫貝時二沙彌知王心所念  
二沙彌共相謂言令王倍增敬信一沙彌持  
鏹授與王一沙彌授以染草王問彼沙彌用  
作何等二沙彌白王言王因我故施與衆僧

綿及劫貝我欲令大王染成其色施與衆僧  
時王作是念我雖心念口未發言此二達士  
得他心智而知我心王即稽首敬禮衆僧語  
沙彌言我因汝等施僧衣施僧衣已復以三  
衣并四億万兩珍寶覲五部衆覲願已復以  
四十億万兩珍寶贖取闍浮提宮人妓女及  
太子羣臣阿育王所作功德無量如是

雜阿含經云阿育王得大敬信問諸比丘言  
誰於佛法中能行大布施諸比丘言給孤獨  
長者最行大施王復問曰彼施幾許比丘答  
曰以億千金王聞已如是思惟彼長者尚能  
捨億千金我今爲王何緣復以億千金施當

仙三

十四

以億百千金施時王起八万四千佛塔於彼  
二塔中復施百千金復作五歲大會會有三  
百千比丘用三百億金供養於彼衆中第  
一分是阿羅漢第二分是學人第三分是貞  
實凡夫除私庫藏此闍浮提夫人嫁女太子  
大臣施與聖僧四十億金還復贖取如是計

校用九十六億千金乃至王得重病自知命盡王言我常所願欲以滿億百千金作功德今願不得滿足便就後世時計校前後所施金寶唯減四億未滿王即辦諸珍寶送與雞雀寺中法益之子名三波提爲太子諸臣等啓太子言大王將終不久今復以此珍寶送

與寺中國藏財寶已竭諸國法以物爲尊太子今宜斷之勿使用盡時太子即勑典藏者勿復出與時王自知索物不復能得所食金器送與寺中太子令斷金器以銀器與王食食已復送與寺中太子又斷銀器給以銅器王亦送與寺中又斷銅器給以瓦器時王手中有半阿摩勒果悲淚問諸大臣今誰爲地主時諸臣啓王王爲地主時阿育王呼侍者言汝今憶我恩養汝持此半阿摩勒果送雞雀寺中作我意禮拜諸僧足白言阿育王問訊諸大聖衆我領此闍浮提闍浮提是我所有今者頓盡不得自在唯此半阿摩勒果我

是闍浮提主臣啓王言大王是也時王從卧起而坐顧望四方合掌作禮念諸佛德心念口言我今復以此闍浮提施與三寶時王盡書紙上而封緘之以齒印印之作如是事畢即便無常尔時太子及諸人民興種種供養葬送如王之法而闍維之

法益經云王有太子名達摩跋檀那齊言法益是起八万四千塔日所生也眼可愛如似鳩那羅鳥眼即以爲名焉風姿明雅有文武稱善彈一絃琴王有一別房夫人見而愛之欲與私通太子固辭不從夫人懷恨既深又恐事泄密欲棄之因白王曰當今華裔一礼

四海同風太子年德俱美文武備通宜可鎮撫邊要以取百姓之心王從其志即分部兵衆以送太子在鎮甚有治能歲餘王忽遍身患瘞天下師藥皆不能治夫人密使人訊訪國內與王病同者破腹看之得一黑蟲長數寸臭不可近即取衆藥灌之其瘞弥甚又以大蒜薰之蟲死而瘞歇於是白王曰妾能治王必使得差願聽我七日爲王王喜而許之曰何有哉夫人即以大蒜與王令服之便愈於是宮中嬌女上酒稱慶令王醉卧無所覺知夫人既嫌恨太子即矯勑挑其兩眼令餘人代之國法以王齒爲印乃以臘摸王齒而印之太子奉勑歡喜無怨先挑一眼置掌中有之良久乃悟及苦空無我得須陀洹道然後以一眼與之於是與其妃相携步行出城行人爲之流涕悉仰頭呼天太子有何罪乃至此耶辭拜嗚咽並不能復起亦有感激致死者乞食流迸還還本國猶持一絃琴在所

而彈之時有大臣識是太子亦知夫人所爲不敢以聞乃因餘人啓王外有一盲人能彈琴備六十四技變弄殊絕不可不聞王即召之乃見其子子婦悶絕墜地良久乃蘇即問其故方悟是夫人所爲王先受五戒不復殺生唯妄刑之棄於深林太子聞夫人被刑結氣發病而死王年耆惛耄病卧床褥無復威力半年之中諸臣行事王卒後立位法益之子名三波提紹位也

余時諸臣欲立太子以紹王位中有一大臣名曰阿菴羅陀語諸臣曰不得即立太子所以者何大王阿育在時本誓願滿十萬億金作諸功德猶減四億不滿十萬億以是故今捨闍浮提施與三寶欲令滿足今是大地屬於三寶云何而立太子爲王諸臣聞已議出四億金送與寺中即便立法益之子爲王名三波提

阿育王息法益壞目因緣經云夫人善容及

大臣耶奢盜取王印詐爲王勑挑王子兩目  
王後發誓使得眼根神感之應更正淨眼王  
見瑞應不可稱記脫已寶冠授與法益紹轉  
輪王治化六年法益治化已經六年白父王  
曰乞聽出家王即聽許令出家學祐案阿舍  
所說不言法益紹位蓋略之耳然則法益出

仙三

十七

家之後其子三波提乃爲太子阿育還領王  
位者也

復次太子名毗梨訶西那以紹王位毗梨訶  
西那太子名曰沸沙須摩次紹王位沸沙須  
摩太子名曰沸沙蜜多羅次紹王位時沸沙  
蜜多羅次紹王位時沸沙蜜多羅問諸臣我  
當作何等令我名德久存於世時賢善諸臣  
信三寶者啓王言阿育祖王在世造八方四  
千塔復興種種供養此之名德相傳至今王  
欲求此名者當造立八万四千塔及諸供養  
王言大王阿育有重威德能辦此事我不能  
作更思餘事中有惡臣不信向者啓王言世

間有二種法傳世不滅一者作善二者作惡  
大王阿育作諸善行今王當作惡行打壞八  
万四千塔此名不滅時王用佞臣語欲壞諸  
塔寺先往雞雀寺中門前有石師子即吼王  
聞之驚怖即還入城如是再三欲壞彼寺時  
王問諸比丘使我壞塔寧壞僧坊比丘答曰  
二不應行王其欲壞者寧壞僧房殺害比丘  
如是漸漸至婆伽羅國又復唱令若有人能  
得沙門頭者賞之百金余時彼國中有一阿  
羅漢化作衆多比丘頭與諸百姓令送與王  
令王庫藏財寶竭盡時彼王聞羅漢作如是  
事倍復瞋恚欲殺羅漢時彼羅漢入滅盡定  
王作無量方便殺彼聖人終不能得三昧力  
故不傷其體如是漸進至佛塔門有一鬼神  
止住其中守護佛塔名曰牙齒作是念我受  
持禁戒不殺衆生不能害王又復作念有一  
神名曰爲蟲兒暴勇健求索我女我不與之  
今爲護法當嫁與彼令其守護佛法時彼蟲

神排攏大山推笮王上及四兵衆無不死盡  
彼王終云孔雀苗裔於此永終

祐尋八万塔緣乃懸記後事廣長所說其驗  
已微撰譜之始本述釋種但塔與阿育故備  
記孔雀雖於文為繁而塔事備矣

釋迦獲八万四千塔宿緣記第三十二

出賢經

仙三

十八

尔時佛與阿難入舍衛城乞食見羣小兒於  
道中戲各聚地土用作舍宅倉庫財寶五穀  
有一小兒遙見佛來敬心內發歡喜踊躍即  
取舍中土為穀者便以手探欲用施佛身小  
不及語一小兒我登汝上以穀布施小兒歡  
喜報言可尔即躡肩上以土奉佛佛下鉢低

頭受土受已授與阿難持此土以塗我房阿  
難食後以土塗佛房地齊得一遍其土便盡  
佛告阿難向小兒緣施比土我般涅槃百歲  
之後當作國王字阿輸迦阿育之別名也其次小兒  
當作大臣共領閻浮提一切國土興顯三寶  
廣設供養分布舍利遍閻浮提起八万四千

塔阿難歡喜重白佛言如來先昔造何功德  
而乃有此多塔之報佛言過去有國王名波  
塞奇典闍浮提八万四千國時世有佛名曰  
沸沙波塞奇王與諸臣民供養於佛及比丘  
僧四事供養時五心念邊小諸國皆悉偏僻  
人民之類無由修福今當圖畫佛之形像分  
布諸國咸得供養作是念已即召畫師勑使  
圖畫時諸畫師來至佛所看佛相好欲得畫  
之適畫一處忘失餘處重復觀看復次不手  
畫一忘一不能使成時波塞奇調和衆彩手  
自為畫一像以為摸法於是畫師乃依圖畫  
八万四千像布與諸國諸小國王皆得供養

仙三

十九

時波塞奇我今身是以此緣故常得三十二  
相殊特之身般涅槃後得此八万四千諸塔  
祐觀波塞畫像克果法身塔廟之數有若符  
契法華所謂刻畫作像皆成佛道斯其驗矣  
釋迦法滅盡緣記第三十三 出雜阿含經  
佛言此摩偷羅國將來世當有商人子名曰

掘多掘多有子名優波掘多我滅度百歲後當作佛事於教授師最爲第一百歲之後優留曼茶山有那吒跋置迦阿蘭若處最爲第一佛作是念我以正法付囑人及天者我之教法則千歲不動即告帝釋及四天大王我涅槃後各於方土護持正法過千歲後有非

法出閻浮提中惡風暴雨多諸災患人民飢饉觸物磨滅飲食失味珍寶沉沒西方有王名鉢羅婆北方有王名耶婆那南方有王名釋迦東方有王名鳩沙羅此四王皆多眷屬殺害比丘破壞塔寺四方盡亂時諸比丘來集中國拘睞弥國王名摩因陀羅西那生子

伏彼四惡王便依神言捨位與子以髻中明珠冠其子首集五百大臣香水灌頂令往征伐諸臣之子身被甲冑從王俱征與四惡王共戰殺之都盡王閻浮提治在拘睞弥韓國佛告四大天王巴連弗國當有婆羅門名曰阿耆尼達多通達比陀經論彼婆羅門當納妻其妻有娠便欲與人論議即問諸相師答云是胎中兒當了達一切經論故令母如是月滿生子了達一切經論及醫方教授五百弟子有衆多弟子故名弟子於我法中出家學道達三藏善能說法辯才巧妙攝多眷屬又復世尊告四大天王即此巴連弗邑當有

仙三

二十

大商主名曰須陀那其妻有娠便質直柔和無諸邪想諸根寂靜時彼商主即問相師相師答曰胎中兒極爲良善故令母如是月滿生童子名曰修羅陀年紀漸長於我法中出家學道勤行精進便得漏盡證羅漢果然其

恒來爲難當王說法難當見父王過世兩手抱父屍悲號啼哭憂惱傷心時彼三藏將多眷屬爲王說法王聞法已憂惱即止於佛法中生大敬信而發聲唱言自今已後我施諸比丘無恐畏適意爲樂而問比丘前四惡王毀滅佛法有幾年歲諸比丘答云經十二年王心念言作師子吼我當十二年中供養五衆種種豐足供施之日天當降雨香澤之雨遍闍浮提一切寶種皆得增長諸方人衆皆持供具來詣拘跋彌國供養衆僧時諸比丘大得供養諸比丘輩不修三業戲論過日貪著利養好自嚴飾身著妙服離出家法形類比丘是法中大賊壞正法幢建惡魔幡滅正法炬然煩惱火消正法海壞正法山破正法船拔正法樹時大龍鬼神等於諸比丘皆生惡意厭惡遠離不復衛護而同聲唱言却後七日佛法滅盡號咷悲泣共相謂言至說戒日比丘聞諍如來正法於此而滅諸優婆塞

仙三

九一

聞諸天言共詣衆中諫諸比丘聞諍至十五日說戒時犍陀摩羅山阿羅漢修羅他觀闍浮提今日何處有衆僧欲往說戒即詣拘跋彌他彼僧衆乃有百千人唯有此阿羅漢修羅他來又復有一三藏名曰弟子此是如來最後大衆聚集余時維那行舍羅籌白三藏言衆僧已集今爲說波羅提木叉時彼上座答言闍浮提如來弟子皆來集此數有百千如是衆中我爲上首了達三藏尚不學戒律況復餘者而有所學今當爲誰而說戒律余時彼阿羅漢修羅他立上座前合掌白上座言上座但說波羅提木叉如佛在世時舍利弗目犍連等大比丘衆所學法我今已悉學如來雖滅度今已出千歲彼所制律威儀我悉已備足上座弟子聞修羅他比丘自言如來所制戒律我悉備持起不忍心有一弟子名曰安伽陀極生忿恨從坐起罵辱彼聖汝是下座比丘愚癡無智而毀辱我師即持利刀殺

彼聖人爾時有一鬼名曰大提木佞性作是念  
言世間唯有此一羅漢而爲惡比丘弟子所  
害執持金剛杵以打破彼頭即便命終爾時  
阿羅漢弟子見殺其師忿恨不忍即殺三藏  
爾時諸天世人悲哀啼泣嗚呼苦哉如來正  
法今便都盡即此大地六種震動無量衆生

號咷涕泣各各離散爾時拘曇彌王聞諸比  
丘殺阿羅漢及三藏法師心生惋惱諸邪見  
輩競破塔廟及害比丘從是佛法索然頓滅  
爾時人天聞佛所說莫不揮淚

釋迦法滅盡相記第三十四 出法滅盡經

佛告阿難吾般泥洹法欲滅時五逆獨世魔  
道興盛諸魔沙門壞亂吾道著俗衣裳樂好  
袈裟五色之服飲酒炙肉殺生貪味無有慈  
心更相憎嫉時有菩薩精進修德一切敬待  
人所宗向教化平等憐貧念老教育窮厄恒  
以經像令人奉事作諸福德志性溫善不侵  
害人損身濟物不自惜已忍辱仁和設有是

仙三

廿一

人衆魔比丘咸共嫉之誹謗揚惡擯黜驅遣  
不令得住自共於後不修道德寺廟空荒不  
復修理轉就毀壞但貪財物積聚不散不作  
福德販買奴婢耕田種殖焚燒山林傷害衆  
生無有慈心奴爲比丘婢爲比丘尼無有道  
德姪洗濁亂男女不別今道薄淡皆由斯輩  
或避縣官依倚吾道求作比丘不修戒律月  
半月盡絃名講戒厭倦懈怠不欲聽聞抄略  
前後不肯盡說經不誦讀設有讀者不識字  
句爲強言是不詰明者貢高求名噓天推步  
以爲榮貴望人供養詣魔比丘命終之後精  
神當墮無擇地獄五逆罪中餓鬼畜生靡不  
更歷無邊恒沙劫罪竟乃出生在邊國無三  
寶處法欲滅時女人精慤恒作功德男子懈  
慢不用法語眼見沙門如視糞土無有信心  
法輪殄沒當尔之時諸天泣淚水旱不調五  
穀不熟災疫流行死亡者衆人民勤苦縣官  
侵剋不修道理皆思樂亂惡人轉多善者甚

少日月轉促人命轉短四十頭白裁壽六十

男子壽短女人命長七八九十或至百歲大水忽起卒至無期卅人不信故謂有常衆生雜類無有豪賤沒溺浮漂魚鰐敢食菩薩比丘衆魔驅逐不豫衆會菩薩入山福德之處

慄怕自守以爲忻快壽命延長諸天衛護月

仙三

凡三

光出世得相遭值共興吾道五十二歲首楞嚴經般舟三昧先滅化去十二部經尋復化滅盡不復現不見文字沙門袈裟自然變白衣王去後吾法滅盡譬如意燈臨欲滅時光更猛盛於是便滅吾法盡時亦如燈滅自此之後難可續記如是人後弥勒下世間作佛

天下太平毒氣消除雨潤和適五穀滋茂樹木長大人長八丈皆壽八万四千歲衆生得度不可稱計

祐定以方等固知三寶常住常住之法理無興滅興滅之來乃卅緣業耳晨離西隱不害千光之恒明也

## 釋迦譜卷第十

循邑

上

聲霸

也

繖蓋

上

音王

妃

下

音澀

反

也

入園

館

下

音鈍

徒

因

反

繒繫

上

自陵

反帛

冤駄

上

奴

眠覺

下

音撻打

上

竹瓜

足與

上

子裕

添

也

羯

隨

居

謂

友陵

頻

伽

哀亮

向

反

翥

諸字

夫

轂響

上

知窮居

聲

香

兩

反

顧盼

下

音麁

視

也

振迅

下

雖

閑

眠

覺

下

音撻打

上

竹瓜

足與

上

子裕

添

也

羯

隨

厨膳

上

直朱反庖

食也

斂着下戶交

捶牙

聲霸

也

厨膳

上

直朱反庖

食也

斂着下戶交

蠶多

上

苦愛反

羸弊

上

振乾貧也

二蝕

音食侵

日月

慷慨

也

不贍

始反時

乳糜

上

其蔓荼

官上

反莫皮祭

反舟衍

胡浪反二字最

作舟荒也

泣淚反

反沃也

堯

麥屑飯小也

反踐

蹠

上

反密碑

反躋地

反上毗益

反沃也

涕零

上音替一作

舟荒也

泣淚反

反沃也

堯

麥屑飯小也